

贛州府志



乾隆壬寅重修

贛州府志

本衙藏版

贛州府志序

地之有志昉於周官之小行人也志沿革萬民之利害
一書志政蹟禮俗政事教治刑禁為一書志風俗康樂和
親安平為一書志山川形勝又職方掌天下之圖而別為
一書其事詳其體賅官斯土者皆得師法遺意修教齊政
以率其屬而歸於治故通志而外郡志特重贛郡於江西
為樞府宋洪邁謂其揆甌閩百粵之區介谿谷萬山之阻
民人慤激最稱難治自宋趙清獻迄明王文成歷經撫馭
未靖伏戎

本朝重熙累洽日月漸摩我

皇上明目達聰光輝遠被羣生濡澍固已化剛悍桀黠之氣咸

贛州府志

卷

序

即醇良矣已亥秋余奉

簡命來守是邦日夕兢兢思所以拊循振興之俾浸潤於澤以
無負

朝廷

涵煦生養蕃息齊民之至意下車考舊志異悉其風土物
情且得奉前人民法作之師時則康熙五十三年甲午所
釆舊本已多缺畧前守竇公新修志稿甫呈大府久之覈
發下郡余乃獲於公餘覆案粗舉其概未知其紀載義例
精而詳嚴而有要也夫事不本之廸知灼見雖信亦疑志
載之文所見異辭所聞異辭所傳聞又異辭以古準今有
同揆矣余承乏名區慨然念前事所未逮將與稽往蹟覈
今情博覽周諏據為左驗俾得別異考信迄有成書比年



光天之下化日舒長矣迺至金雞馬鞍形華三臺崖石之巘
坑湘洪濺源瀛江鄔水之漾滴古先仕宦名賢邱墓以及
陽明洞天石室釣臺筠坡諸勝蹟莫不凭眺徙倚渺然發
思古之情而幽崖絕壑巖居野處之民垂老不覩長吏之
面聞守至徃徃扶杖牽袂相與逢迎於枯籐古木間爲道
山川谿壑之遷變指示古人居處遊歷之處而歲時方社
祈年擊鼓與夫攜篋擊莒媪婦耕夫依媚之狀歷歷車塵
馬跡間也有所得劄記之久而成帙私幸所謂知而灼
見者今乃庶幾其無憾既而覆閱志稿校訂再三瞿然起

贛州府志

卷

序

二

曰前事者經營苦心今始見之矣精者其義嚴者其例詳
者其紀載尋覽之餘數年中所歷山容水態民情土俗畢
呈於卷帙間隱隱乎其復遇之蓋博而有要者又此書體
裁也諒矣其信今而傳後矣迺以後四年職官選舉武秩
覈補之應增者分別入表此外不復有所更定爰集僚屬
經費以校刊屬之前分修劉司訓欽謨授諸梓嗚呼國家
之置吏以爲民也伊欲風流而令行刑輕而奸改百姓和
樂政事宣昭又守令之責也柳宗元曰有里胥而後有縣
大夫有縣大夫而後有諸侯蓋親民之官令承守守率令
責非有畸輕也方今

聖天

子澄敘官方忠信重祿以聯下情而卹其身家余與諸僚

序

郡縣以水名者不一贛縣贛州俱因贛水而名贛音原從貢而郡有貢江昔人以字形名水攷古家多非之而章貢二水形適與贛合或謂即貢之轉聲章貢北匯兩派交流因形定名即以字名水固有未可厚非者贛水居江西上游源出新樂聶都二山山亦嶺表之附庸也其間襟山帶水土田硤确物產稀疎人民慇激而猛烈典郡者尤難其任虞潭父子以勲績著於晉五代之際封爵遞嬗武畧稱雄一二遊宦名流土著士夫以文采風流相尚珥筆有所紀述如南康記之屬比於山經水志傳奇記怪然郡中舊聞遺編攸賴斯亦識大識小之先導矣郡志自元以前未有聞明正德丙子邢公珣曾一修舉見於嘉靖志敘則正德以前有志久經散佚可知由嘉靖董志而後有天啟辛酉謝志

國朝康熙甲午張志皆名筆也乾隆己卯前守朱公復舉其事稿垂成去遂輟閱今二十年存舊稿於蠹蝕之餘余時一展閱未嘗不慨嘆前勞思繼續於將來簿書紛沓未遑也丁酉夏因公寓章門驛道吳公則前守郡者也偶話郡舊事謂贛志近六十年中間僅一續修而終止非典郡者今日之責歟余益躍然心動歸郡集寅寮議輸俸重修分宜林憲有席前領吉

安志義例嫻熟走幣延主其稿佐以新建孝廉杜君夔府學劉教授謙劉訓導欽謨並襄贊之今春仲夏局八閱月稿脫林君叅舊志新編爲發凡十六則蓋十六總目虛公熟商而後援筆於是杜君任賦役軍政圖考教授任學校名宦寺觀訓導任建置兩人又兼任人物列傳自天文地理山川秩官選舉封爵列女藝文雜志皆林君領之每一稿成諸君辨訛訂舛補缺刪繁炎暑涼秋晷餘燈炮編摩不遺餘力余感其勤慎案牘之暇逐卷覆按析疑徵信不憚往復有所是正迺彙帙而上諸大府多所稟承而折其衷爰召梓人付諸梨棗林君語余開雕易而定稿難以謝

公鳳渚之謹嚴張公損持之該洽加以前二十年之搜討辨析於今猶有所糾正於前人之踳駁增益於近今之闕畧豈非當局者易迷旁觀者易見不可不再三詳慎者乎余曰孔子稱鄭國爲命草創討論修飾潤色必集四人之長而後工况郡志上下數千百年縱橫六七百里土地人民政事之紛紜錯綜苟泥於古而不之通荒於今而不之証自亂其體例而不之反求皆隙縫之所由開後之視今亦猶今之視昔敢謂今之萬全而無憾哉余五人竭其心力之所可到而餘姑竢之繼此之涖是郡讀是編者觸於所見見聞聞雖往古來今所沿所襲一一可知贛石上下

游之區山峻削水清駛郡縣分合風會各有所趨
今所紀載爲左驗而化裁通變以時措之於以仰副
聖天子無倦以忠久道化成之盛治其庶幾得所津途也
夫其必大有造於贛郡也夫

時

乾隆四十三年歲次戊戌知贛州府事榆關賈忻撰

贛州府志

卷

序

五

舊序

贛州府志正德丙子前守當塗邢公始聘刑部郎中長江
李公堅修之屬草已完而邢公以擢官去金陵羅公屬其
門人上舍生歐陽誠者潤色之安陸張公復手加校正序
其首簡將付梓矣屬以更任弗果嘉靖戊子芳偶承乏今
御史大夫容東汪公時以中丞節出鎮茲土復哀其稿裁
決於廷尉董公乃爲重復考訂並增入近事前本之所未
載者書成而容東公被召歸朝矣至是踰年始以入刻刻
既成芳復僭序其刻之之意序曰古者史官分左右左以
記言右以記事左右史備而言與事無遺矣自王朝以達
列國同之三代之制無或改也秦兼天下始廢國爲郡縣

贛州府志

卷

舊序

六

史亦隨之而王朝之史猶沿夫舊耳司馬子長史記倣古
記言之體作八書至班孟堅易書爲志而後漢魏晉隋唐
諸書多宗之然則今郡縣之志特古國史之一體耳其所
記亦畧矣古今郡國地之廣狹事之繁簡迥乎不同而記
載之書詳畧反異至或缺焉遠無以鑒古近無以驗今不
亦可慨也哉贛爲郡當閩粵湖江四省之交視他郡爲重
邇年來鎮以都臺節以兵憲視昔時爲加重况在有宋濂
溪元公嘗通守焉維時明道純公伊川正公侍其丈大中
公令於興國因學於濂溪所謂吟風弄月以歸者實在茲
土三賢講道之地庶幾與鄒魯並不尤重也哉顧惟久缺
文不足徵豈不重可慨耶乃今歷十餘年更六七守方克

成書吁亦艱矣自今吏於茲郡與繼今而吏者千里之廣
百世之遠一覽在目由是而施於有政可以議興革昭勸
懲酌損益焉豈徒備典章美觀視而已乎此志之所以列
也書凡若干卷總若干萬言嘉靖九年庚寅贛州府知府
王世芳序

郡之有志猶國之有史也史家記載有凡例褒貶有定法
足以傳信垂戒乃謂之良史郡志亦然山川封域之界貢
賦之常官府之設因革沿革委在所必錄毋庸粉飾增損其
間例也若乃風俗之美惡與化移易人才之生視其自樹
地靈不得專主吏茲土者政績不能皆同人品亦不能無
高下於此不審而漫浪書之或過於稱揚或曲為隱蔽其

贛州府志

卷

舊序

七

於史法皆未盡也周官誦訓之設掌道方志以詔觀事巡
狩則夾王車以行於政教大有裨益歷世久遠莫考其詳
今天子每歲必親命憲臣巡按一方察民隱而糾吏弊歸
則以聞殆其遺法激揚之責固所自盡而典籍之徵亦豈
分外事哉侍御容峰陳公珙有見於此乃謀諸都憲王泉
王公浚以贛志屬予修葺衰病薄劣何能為役重違其意
乃與陳教授英李舉人國紀叅互考訂收其散逸刪其繁
蕪以就簡約備采覽然於直筆不能無慙也公是非正舛
錯尚有俟於後之君子志成憲副侯公緘郡守康公河遠
予為序謹綴數語以引其端嘉靖十五年丙申郡人董天
錫序

郡志修於嘉靖之丙申距今八十六年往矣已事闕如失
今不續後將何考萬歷間郡大夫有議及此者曾兩開局
未覩厥成丙辰之歲蘭陽李公以司權別駕攝郡篆重有
意焉而謬屬予以筆札之役予謝不敏而公意彌篤會長
洲金公來爲守謀與公合則再四趣之予乃鍵關窮畧取
各邑新舊牘稍爲編次既成帙惴惴不稱度之案頭者久
之已而兩公俱已遷秩行事亦旋寢司農伍公後至嘗受
李公託數過山房索予志稿甚亟予逸巡出而請正公即
攜去今春督漕綱赴省會遂命書掾繕寫成部歸而進之
堂長余公余公不鄙輒付梓人既爲區處厥費而一切鳩
匠供餼更以煩司儲朱公凡越四月殺青斯竟予也自慙

贛州府志

卷

舊序

八

黥淺之識益以衰髦之年龜技易窮豹窺實短匡其不逮
尚冀望於後之嗣修者天啟元年辛酉郡人謝詔序
予以己亥叅藩嶺北下車之始郡守以職事相見即以志
書爲問蓋以爲政必先察其風謡相其土宜經理其山川
考正其貢賦然後因地成化隨俗致理至要也而郡守對
以兵火之後版籍灰燼無復存者予悵然久之閱數日司
李周子計百購得舊本見示予受而讀之義例謹嚴事辭
詳核猶稱善志惜止於明熹宗朝莊烈以來闕然未載乃
下檄所部網羅佚事搜輯藝文將徵聘耆儒開局纂修適
予以病請告未暇竣事念無副本恐久而散失於是謀之
司百蠲俸付梓以永其傳至於廣採旁羅以成全書則俟

之後人焉謹按贛之爲郡處江右上游地大山深疆隅錯握閩楚之樞紐扼百粵之咽喉漢唐以前率以荒服視之至宋濂溪先生通判州事其時趙清獻公爲守而程大中先生令興國大中識濂溪於南安明道伊川受學焉伊洛文獻之傳淵源實肇於此文信國守郡建大義興勤王之師故至今豫章理學節義爲海內師表而贛郡尤著云然山僻俗悍界四省之交是以姦宄不測之徒時時乘間竊發疊嶂連嶺處地既高俯視各郡勢若建瓴非得博大通方威信重臣鎮撫其地則四省徃徃多事故前代特命憲臣駐節於郡王文成公授提督專征伐剋平山寇厥勳爛焉及宸濠逆命天下震動公率二三郡守統兵數千旬

贛州府志

卷

舊序

九

日之間擒俘宸濠舉豫章數千里地歸之朝廷豈非重地得人之明驗與而文成公學本周程在贛日與南野東廓洛村善山諸君子講明良知之學天下學者以虔南爲歸南野泰和人東廓安福人洛村善山皆郡之雋都人可謂盛矣噫虔南之盛衰既關數省之安危而聖學之修明每肇端於茲地則其山川必磅礴鬱積滌洄蜿蜒故能固東南之靈氣蓄造物之秘藏而非他郡所可頡頏也予既考閱舊志得其形勝扼塞之要間嘗登城四眺見崆峒天竺萬峰迴合貢水章江雙流奔湍北顧十八灘巨石側立如大牙森森想見清獻疏鑿之跡未嘗不俯仰慨嘆云時率官師謁濂溪二程子講堂修其俎豆信國文成二祠亂後

或激壞或焚燬予既祀於濂溪書院與諸生執經揖讓
前念典型之尚存思音徽之如在蓋不禁爲低徊流連也
獨是山川如故風俗漸漓戶口消耗賦役繁難且伏戎未
靖鄰氛時警選舉應南宮試者十二邑僅數人耳嗚呼何
今昔之不同如此是非任旬宣牧守者之責與今大中丞
蘇公文經武緯勦寇興學威德著於遐邇四方立覩廓清
正所謂博大通方威信重臣也予以庸菲不克承事下風
共勦盛事實深自愧後之君子撫覽茲編尚其加意振興
綏輯殘黎再見清獻之休烈而與賢士大夫講明性道尋
墜緒於微茫以上追濂溪陽明之風知必有洛村善山其
人出而應之者矣順治十七年庚子分守嶺北道睢陽湯
贛州府志

卷

舊序

十

斌撰

聖天子坐明堂以出治轂郵萬里東西朔南遠軼漢唐宋開
天之版遐邦文獻悉達職方禹貢幅幘不克博綜成書以
備大一統之典亦安用此山諸侯澤諸侯爲者贛州在天
末屹然爲三湘八閩五嶺之輿區於時天雨矢地涌干於
章貢之湄者以數載隸我正朔獨後諸省欲懷柔而救寧
之將何以按籍如指諸掌勾章氏邈矣吳楚越之不常所
治也夫斗牛女之野所聞所傳聞異辭石梁之敗皂口之
阻不可謂地險之非山川邱陵也元詔天下無修城城日
就圯四方兵起始再修於全普菴撤里之手無事之備庸
敢一日弛哉彼白鵲翠玉駒巖鬱孤之間僅子大夫事耳

明洪武初戶以八萬二千計口以三十六萬二千計永樂
減其半成化再三減其一宏治中過成化而不及永樂兵
興以來膏原野者更凡幾青羊白戈之害寧有豸耶按齒
程能政莫先焉填撫之設肇自金澤文成定難遂大厥功
其他大帽山三巢之捷咸銘戈鼎即守令倅尉罔不各靖
乃職事不有君子其何能國百勝昭信廂軍萬戶部之號
代不相襲大約不能偃武建鎮募卒無事則坐糜衛所之
旅率足以建威銷萌叅戎俞大猷未聞以權輕墮乃績也
稅在虔關於諸關稱微者商賈雲屯時以其餘佐大中丞
敵愾之需今嶺海犀象珠貝之利未盡通權使者迭中考
功法倘貯帑以豫緩急於司農苦錙銖也虔俗尚鬼大類

贛州府志

卷

舊序

十一

食凶食不祥食夢食磔死寄生者言顧岳忠武手高宗詔
屠城力爭者三乃免常開平以大將軍下城不擅殺一人
社而稷之不獨濂洛諸君子位不祧也士讀古人書詎功
名是急無人焉踵鍾紹京董越而起余無責瞻彼王巖高
踪未遠善山洛村諸風流猶有存焉者乎左氏傳春秋不
黜神怪石鼓白鶴以暨登木杪去兩腋生龍鱗告漢灌嬰
以捷期又被瑪瑙帶賜者未必非閎覽博物之一端也十
蛇聚龜之譚傳出郭璞詭而不可信二井三池理則有之
螺女木客不一而足白孟蘇黃宋李輩皆筆補造化矣余
樸不能爲雕語又虞無以成大一統之典得舊志十八卷
慮截趾而適屨也爰仍而刻之後之君子察險要相風俗

何以使儲則以委積魏時聞備則以成樓曾巖聞遊史以
無度騎將士以無缺及聞帥無以漁擾其下而譁其口聞
百姓無以瑾不餬聞當有按籍如指諸掌者又不在區區
口若耳之四寸間也順治十七年庚子贛州府推官中州
周令樹序

古者一代之興必紀其功德文物之盛其事則掌之柱史
其文則藏之故府又恐幅員廣而耳目難周於是守土
之責者皆得司其紀載之事其山川之美人物之靈悉得
而詳誌之於以備摺拾昭法戒此外省郡邑志乘所由昉
也蓋其事非徒以博通典籍以自侈其文績而已必也考
其源流究其本末務使其文質精當詞不溢而義不踈斯

贛州府志

卷

舊序

十二

善矣予嘗嘆志乘之弊多由於簿書俗吏欲藉是以塞守
土之責已既無博蒐精核之才而又委諸一二庸妄之人
攬竊舊聞轉相附會或一人而爵里互移或一事而年代
互異又其甚者廣徇情面陰圖利資蕭蘭可以同登玉石
因而倒置然則其書尚可信歟此而不慎後雖有博蒐精
核之才欲起而辨其是非考其得失而事與時湮跡因世
改其孰從而引証歟孔子曰吾猶及史之闕文也又曰信
而好古故春秋於郭公夏五之文寧疑而不益而問禮問
官不憚旁搜而博採蓋古聖人於紀載之際如是其詳且
慎也今即以贛言之自周秦以迄於今歷漢魏六朝唐宋
元明上下二千餘年其間或屬於郡或置為州或升為軍

或改爲路或置爲府銅墨之所臨旌節之所駐長蛇封
之所出沒金戈鐵騎之所往來蓋不知其幾變遷矣考
紀載得失之林保無有傳信而不傳疑者乎我

上聖德神功統一區宇深仁厚澤垂五十餘年凡在四海
六合之內無不照臨而贛在西南爲中原之近地兩粵之
通塗扼險阻而據上流非他郡可比則郡志之當修更急
於他郡興國張令由庶常出宰是邦予久耳其名因屬以
茲役期年而告成以其稿請正於予予流覽一過嘆其蒐
覽之勤考核亦稱詳慎庶幾乎詞不溢而義不踈矣因喜
而弁其言於簡端時康熙五十一年歲次壬辰仲秋之吉
江西巡撫郎廷極撰

贛州府志

卷

舊序

十三

予以辛卯秋仲上事贛郡少叅嵩巖陳公則語以纂修郡
乘之役方置局歲事纂修者誰興國令損持張君也贛之
屬十有二興國令何以獨尸之以大中丞今帥漕郎公命
也帥漕公以先山左中丞公嘗守贛郡遺愛在人歲癸亥
公假道茲土遺民故吏迎拜郎君誦述先德者以億計比
公節鉞江右尤惓惓以贛屬爲念屬守土之吏蒐裒志事
者至再皆未成輒去既稔知張令之在興譔漱水志林得
古人作者之法遂舉郡乘畀之而屬少叅公以監總之任
凡張令所舉襄事之人所採之書所移旁郡縣之符牒所
發之凡例條上——請於少叅公可而後行予亦得叅預
其末期年書成郎公已移節淮上上其稿擊節嘉許無遺

議乃更命之鐫板以行蓋贛府舊志訖於前明萬歷之末
祚距今九十餘年十二邑各有志或成或否先後參差遠
者闕至百二十年近亦三二十年此百二十年九十年二
二十年者之增修補譔無論已顧張君更爲旁蒐遠紹益
求前志之所未逮人物增者什四五人物之姓名具而事
蹟未備增者又什二三異聞軼說典章制度增者什六七
詩文簡牘增者不啻什之八九舉舊冊較之大有逕庭若
河漢焉予進張君詰之曰子其遇異人而得異書耶抑不
免於史遷多愛愛竒耶張君謝曰非敢然也人物得之唐
宋累朝諸國史弁州鏡山未成史諸家之書以及宋元以
來諸家詩文之集詩文即出於諸家之集以及諸選家編

輯之詩文異聞軼說又出於史與集之緒餘間採稗乘諸
書而襄事諸子舉所聞以助之而已某固陋藏書不多既
奉命承乏斯役嘗遣人鈔書於吳下師友藏書之家惜資
力不給未足以愜所懷凡所增修之故典其所自出皆具
於各條之下非僻書也以愛竒之故而務爲無端厓之詞
其何敢予作而言曰諒哉物莫不聚於所好而成於用力
之勤周賈藏玉之璞而鄭賈懷鼠之朴商邱之楸柏拱把
而上者求狙猴之杙者資之三圍四圍求高明之櫬者資
之七圍八圍貴人富商求禪傍者資之有賤丈夫焉執鼠
朴與拱把之木而號於衆曰鄭無玉商邱之山無材今之
操筆而登作者之壇皆是矣張君固負作史才其詩文韻

頡於古大家而特露其倪於贛志於此益以服帥漕公之
知人少叅公監總之勤予之來適躬親其盛而是書之成
可以不負斯贛也故原始尋其端而爲之敘時康熙五十
二年歲次癸巳季冬知贛州府事廣寧黃汝銓譔

郡與縣必有志郡志視縣志較畧而視省志則加詳雖然
詳亦非務博好奇撫拾不根如不善竹者節節而爲葉葉
而累之謂也必擇其文其事有關於山川之美人文之秀
風俗之醇龐文武寮案之遺愛立功立德立言之先達名
垂不朽者志之使讀者思其羨慕其秀樂其醇龐懷其遺
愛景仰其先達之所以樹立不朽斯詳者不病其繁且惟
恐其畧也否則搜羅雖備紀載雖多以云務博好奇撫拾

贛州府志

卷

舊序

十五

不根則得矣稱爲一郡之信書猶未也贛郡江湖樞鍵嶺
嶠咽喉又十二邑多崇山幽谷爲姦民逋逃之藪昔稱難
治然承平日久山川清淑之氣積厚而發故其人文蔚起
醇龐成風文武寮案遺愛在人者後先相望而官居清華
諸君子類皆犖犖不群知其將來必能如其鄉先達以功
德言克自樹立卓然可紀也固宜悉取諸志以成一郡之
信書矣乃不聞有言及此者豈前志猶存其闕者不必補
耶抑簿書錢穀之下欲爲而有待耶大中丞紫衡郎公留
心修葺委其事於興國張令而俾余爲之監總余於是進
張令而謀之曰此志不修且九十餘年矣子今者第爲其
畧乎非所以仰承大中丞公意也將爲其詳乎即志不勝

志不足稱一郡之信書也子但爲其覈而不華切而有要
使人讀之雖詳也而不病其繁且惟恐其畧也如斯而已
張令然予言於是博求羣書擇其文其事有關於山川之
美人文之秀者風俗之醇龐者文武寮案遺愛之可風者
先達之功德言名垂不朽足使頑廉懦立者悉取而志之
覈而不華切而有要非務博好奇撫拾不根以爲詳者比
今而後贛郡有信書矣書成授梓余亦樂爲之序時康熙
五十三年歲次甲午季春月分巡贛南道三韓陳良弼題

一舊志職官首太守僮芝孫輔按二人皆孫吳時賢
 守當是時贛零且為廬陵屬邑未名郡安得名守乎
 獨書二人又何謂也若盧光稠盧延昌黎求李彥圖
 譚全播五人則乘亂自立者法不當書今併削之
 一督撫重臣監司尊秩非郡邑例也載於郡乘不幾僭
 乎第虔為督撫駐節地嚴瞻攸在而保障屏藩實切
 依賴首列統轄政以表庶僚之冠冕也其功績顯著
 者別為敘述則竊附於遷史傳公儀休子產之意云
 一名宦鄉賢生前不書一以名位未艾一以鄉論未定
 也其官師去任而功德在人口碑聊述其概以俟異

日採錄節婦年踰六十已合令甲雖未即世俱備書
 之若他州縣寄籍者即被旌不書以原籍自有志也
 一舊志有忠惠廟祀郡人盧光稠韶州廟額亦如之無
 亦以光稠在唐僖宗時曾為虔韶防禦使有保境功
 遂廟之耶抑或其父子相繼劫於餘威故稱德頌功
 亦猶蔡州之祠吳元濟也考唐書載光啟元年春正
 月南康賊帥盧光稠陷虔州自稱刺史以其里人譚
 全播為謀主書法抑何明且著邪朱溫篡唐在天祐
 四年距光啟初且二十二年即云請命於梁願通貢
 賦亦據防請後之故暫耳乘時之亂為眾所推以則
 只自命專擅多年稱其子延昌而李彥圖譚全福

俱爲帳下所擁立律以春秋之法在所討乎在諱乎
手傳之忠義是邪非邪削其官并刪其傳所以誅僭
竊於既死也其起廢始末則詳見紀事中

一按唐謝尚書肇生於衣錦鄉葬於本鄉之黃口皆興
國地也宋陽秘閣孝本生於車邨葬於通天巖皆贛
縣地也二公爲郡人無疑矣乃南安志俱收入上猶
豈兩姓子孫有散居近縣者因而各推本其祖邪一
統志獨尚書姓名興猶兩處互見而秘閣仍歸贛縣
江西通志則并秘閣與尚書三縣重出矣宋史傳秘
閣於隱逸注贛縣人與郡人李存同隱通天巖史不
足據耶羅文恭公洪先序吉水銀溪謝氏譜云謝之

先本江左至豫章太守顓之子雅宦於贛遂留衣錦
鄉三十一世而徙銀溪在紹興之七年顓南宋人也
若然則尚書之世系遠矣

一郡志鄉賢中寧都有崔清獻公與之鄭侍讀獬石城
有陳晉公恕陳岐公執中皆表表有名公卿大夫也
然考宋史及一統志崔廣州人鄭安陸人陳南昌人
史又稱廣之士由大學取科第自與之始梁昇撰崔
公增城古華山墓記云其先汴人即公遊金精山詩
亦云客遊到此應忘返王彥輔塵史載獬之先本雍
人五季時其祖屯田公建中徙安陸貲鏹鉅萬有陰
德晚得子紆登進士第官祠曹侍郎生五子長曰獮

登第至朝奉大夫次即侍讀也其三子與孫皆任以
官不繇選調王荆公誌侍讀母夫人李氏之墓世系
甚詳不言寧都又作陳司農執方墓誌曰世居洪州
之南昌不知何時遷河南祥符司農葬祥符西韓邨
皇考晉公之塋亦不言石城按此則四公之華貫不
可謂不明矣第崔公增城墓記內云贈太傅諱克者
葬江西寧都縣黃金坑公曾大父也贈太傅葬惠州
河源縣義合邨者公祖父也夸堅志載石城永福寺
對面有邱隴高且十丈相傳是陳恭公祖墓未嘗有
人拜掃豈寧石據此遂以崔陳爲邑人邪然羸博之
塚本始延陵東坡眉人邨城封樹豈其遂籍齊魏產

也石城志又以崇寧進士陳邦光爲晉公姪然晉公
父贈燕國公者名光嗣邦光果孫也可直犯其祖諱
乎查南昌府志宋進士首晉公不書邦光又何也即
據此以證晉公爲石人亦未確夫粉榆之社生既不
與其會蘋藻之薦沒乃安受其饗崔陳兩公必有不
能晏然於冥漠者陳岐公出身任子未登第舊志入
進士第誤邱墓款有宋太師陳恕墓又誤

一舊志鄉賢中興國有王編修質按宋史質先爲鄆人
徙興國不明言軍興縣也閱文獻通考載雪山集三
卷富川王質景文撰富川係湖廣興國軍舊名於是
檢武昌府志而覈之則傳質入興國州僑寓其注須

歷代史同經與三十年與州人周震來同舉進士而
州之政和堂恩波亭銀山寺福星寺大浩院皆有所
詩富池口吳將軍甘寧廟有質記始信質之非贛人
也而一統志江西通志俱誤矣既據質論贛盜嚴盜
疏中一則曰臣嘗聞之二郡者一則曰臣往在江西
見所謂食菜事魔者又曰臣往在江西見其所盜販
茶者其非贛產不較然著明乎當其時張孝祥知荆
南與質游汪澈以殿中丞宣諭荆襄張浚以樞密都
督江淮俱辟質爲屬以質居楚故也廣輿記亦收質
入武昌人物查宏治辛亥郡志無質名嘉靖庚寅志
始有之豈因一統志江西通志乃增入之與夫名賢
固有二三處互見者不妨存疑但州縣同名興國縣
之不可溷於州猶州之不可溷於縣也州有詩有記
足證矣而縣無一可證鑿空以墓實之且指某爲某
弟某爲某孫某爲某幾世孫將不令楚人抵掌乎郭
青螺先生表章前誥採及鄰封作興國四賢傳意何
厚也予也桑梓後生奈何忍蔑先賢而妄有辨駁乎
第志以信今傳後訂譌考誤責有屬焉如明知其非
是而姑冒以爲名是以拜郭汾陽墓者待里人薄滋
甚矣既無所疑不存之可也

一舊志中有訛誤者如沿革條南宋武帝永初元年置
南康國而誤爲順帝昇明初南唐昇元初年取吳地

置昭信軍而誤爲長興二年吳置南部都尉於雩都
始析雩都地置陽都縣晉太康元年改陽都曰寧都
太康三年平吳改南部都尉爲南康郡以南海郡揭
陽縣屬焉見廣東通志甚明其曰吳嘉禾五年析雩
都東北地於陂陽鄉白鹿營置揭陽縣寶鼎三年徙
揭陽縣治陽田營改曰陽都者皆非也秩官條鄭起
潛宋嘉熙中誣爲史嵩黨貶知虔州而誤入唐刺史
蔡挺提點江西刑獄兼提舉虔州監會榷通天巖石
刻稱通守而俱誤爲軍事推官孫明復以狂人孔直
溫波及坐貶而專責夏竦陳從易知漢州事強作虔
州事尹洙坐黨范仲淹貶監郢州酒稅徙唐州宋史

贛州府志

卷

凡例

二

并歐陽永叔墓誌可證而誤以唐州爲虔州郭昂爲
廣東宣慰使一統志敘其履歷并及其三子長震抗
州路鎮守萬戶次惠僉江西廉訪司事次豫知寧都
州今舍豫而書其父昂又書昂習武擒蠻事絕與作
州不類繆觀國宋淳熙間龍南丞寇淮永樂間龍南
令今遺寇淮名不錄而以淮事注於觀國下人則宋
而事則當代大可笑馮公康洪武五年任府同知贛
州衛碑載奉訓大夫同知贛州府事而誤列太守之
首蕭蹟南齊贛縣令而入五代趙汝盟宋嘉定十六
年贛縣令而入洪武今悉更定此類尚多不能盡
也

一補舊志所遺漏者今據見聞所及職官條自晉至元
代補刺史二十九人太守十人國相郡丞郡內史共
二十四人別駕司馬長史叅軍共十人孔目一人南
部都尉二人節度使五人宋知軍州事三十一人通
判十七人推官三人叅軍十人監稅務三人教授四
人縣令三十八人丞簿尉四十三人元總管二人同
知八人判官三人推官一人經歷三人知事一人教
授四人學正二人縣尹一人達魯花赤一人丞簿六
人教授五人書院山長一人國朝自嘉靖丙申以前
知府一人同知二人幕僚四人教官九人知縣十八
人丞簿典史十五人教官十八人名宦條前代補虞

贛州府志

卷

凡例

三

潭劉繪宗元饒許圉師張式孔宗翰趙善佐陳孔碩
李昂英范璿伯顏蕭頤張九學錢觀魏懋胡文舉蕭
生凡十七人國初至宏治補顧唯李璉張璵崔天錫
朱克敬陸賢宋濂何文縉蔣曙梁潛李炯司馬軫凡
十二人選舉條補進士六人薦辟六人鄉賢條前代
補鄧德明廖偃廖凝廖光國呂倚陳鳳曾集曾逮曾
松嚴宗趙東野鍾克俊鍾柔鍾廷芳劉明德凡十五
人國初補劉丞直曾魯山鍾槃唐均弼王竹逸蕭極
初湯衡余寬凡八人又補列女五人方外十六人

一郡志採輯邑志而成之者也吾郡屬邑各有志獨會
昌石城兩邑無刻本贛有宏治刻本余爲諸生翁凡

見之而今亡矣零志修於李中丞涑寧志修於盧鳳
鄉達吳北部天德三君載筆謹嚴非所謂信而有徵
老耶隆慶間張旌德淵有意信豐志力追古昔勤成
一家之言業已脫橐顧以嫌忌改削原草過半書出
人有遺議焉惜也其它或新或舊均之可備一時考
覽然龐襍誣誕間亦有之美緣草野弗諳典章譜牒
妄爲攀附掠美者既不耻於冒贗當事者復欲槩自
鋪張曲徇人情何關風勸甚者錢神得通其徑竇賈
豎竄入於仕流穢行先麗於刑書高致嗣登於新乘
則志之濫觴也徒爲有識者所鄙笑而已妄有取裁
難免同異知我罪我其在斯乎

按張志錄謝桓慤公詔凡列十條皆確有條理且
多辨正傳訛失實之處關係志事不小今仍登載
以表前賢用意之深

一謝志稱補舊志佚漏若而人與董志比對而言也謝之去董與今之去謝皆彷彿九十年昔惟一代而人則兩朝熹懷以下例當續撰不得以補漏言就既經鳳渚珥筆而今復增添亦不啻什之四五最所刮目者昔之文儒唐無一人今始有綦毋潛列女昔始於越國公許夫人今冠以武昌侯孫太夫人名宦之王歆之裴諝數人流寓之李嶠劉崧等亮節宏文足光典冊自此以降未堪更僕矣惟於某傳之下註明出自某書識者一覽可辨

一諸縣志有詳載丁祭儀制者則成均志也有臚舉植

贛州府志

卷

凡例

二四

物者則本草經也有大書論誥者則一姓譜牒也自鄔無譏不堪指屈零志獨立理學傳以黃何諸君得統陽明擬宋史道學傳之例殊為人物增重以他邑無可儕舉故亦入鄉賢傳中

今從史例列儒林

一贛地夙號多山諸志分為峰嶺巒岡巖洞諸名其實一山所有反使首尾銜決脈絡不明且土名不一更有名崧名嶺者何以列之今一倣鄙善長之體為之聯貫分疏止隨地形遠近山勢斷續以大包小以有名括無名而荒僻頑蕪者不妨舍諸務使一覽瞭然一水尤以脈絡為主贛屬諸水各自其山發源而奔注以合於贛辨其經支約以三例曰發源曰經行曰會

聚發源者如龍南之桃水石城之琴川是也經行者
桃水之入信豐琴川之在寧都是也會聚者贛縣之
章江貢江是也自餘各縣名水及諸小水概以是例
條分縷析出某山經某地合某水此又桑氏水經之
體從來舊矣

一細民不耻爲盜椎埋之姦視天下爲多其說見於王
介甫李泰伯張子韶之文而李忠定王文成吳堯山
江仲文以逮國朝之劉柱國佟滙白諸鉅公皆以
芟夸大難丕著戎勲其秦牘連章多言弭寇之事蓋
以介居嶺嶠箐嶂深習俗頑犷扞網時有其間亦
有麟豺薦處蘭艾同焚未可一概而論總以時籍風

贛州府志

卷

凡例

二五

颺地當淵藪先叛後服司牧之責所重費其紆籌者
也故兵寇一編爲之反復致詳焉

一贛石以灘險得名較之閩之汀建廣之瀧似爲稍夸
然既藉藉於海內矣自萬安設縣十八灘之半已分
屬吉郡若上流諸邑龍信石寧會瑞間恫心駭目未
始無之故特詳灘石一條附於志水之下

今分見於各
縣志水之後

一董志載雩都謝孝義剝肝愈母一事鳳渚削之謂非
中庸之道且律法不予旌其言避矣今諸邑志之載
割股者無慮十餘條槩削之則以爲刻蓋善善欲長
猶賢智之過也金壘子陳絳極論割股之非孝嫁殤
之非禮歸震州著貞女論謂女未嫁人而爲夫死或

終身不改適無父母之命猶之乎奔也而又爲胡州
張氏女作記自解其說以爲怪竒之行雖不要於禮
亦君子之所樂道志中寧都賴烈女及貞女三條無
非善善欲長之意云爾

一晉唐以來累朝國史韓蘇以下諸家文集日星江河
經天行地鳳渚先生之博雅不知何以闕漏猶多茲
集之採獲頗殫厥心矣大家詩文海內傳誦雕板亦
多善本間有一二及隱佳篇蒐之邑志及從僻書鈔
出者亥豕舉羊幾於無可句讀細意苦心爲之釐正
身輕一鳥之句永叔以過字承之開山幽居祇樹林
敬美以士字易山字當其思則得之亦一快也

贛州府志

卷

凡例

二六

一知古而不知今謂之陸沈張壯武之博物猶未能悉
三十年中近事謝志名宦於中明反多所畧以同時
故也 國朝贛郡上僚平昔景仰鴻名顧無從疏其
政蹟者蚩氓戴德而不知末學臆譔而不敢姑闕文
以俟之乎

一信史貴乎實錄故無取泛詞褒美若使論文人而輒
曰學窮千古錄武士而但曰力敵萬夫安所取乎又
各傳中多不稱名尊之曰公此墓銘體也施之於志
傳則僭後人註韓杜蘇集稱公亦一家之言非通義
也間或臨文稱呼則各從所著其未著者務標顯之
古有楚國龔遂漁陽趙壹者標之也賈誼董仲舒則

既著矣中郎稱爵林宗稱字簡文稱謚羊公山公
姓各從所著也

一章貢爲嶺嶠襟喉累朝設官自開閩分轄關權戎帥
文武大小廢置無恒官舍亦因之數易庾公之樓羊
公之亭里巷傳譌疑耳信目逮及二氏之居遷流不
一茫昧更甚若夫亭臺別業此邦所少然亦不無可
錄者今就昔賢記序可辨識者稍釐正之疑則仍闕
程泰之雍錄於選院諫坡二省政事堂特列職官一
卷楊銜之乃有雒陽伽藍記李方叔則爲名園記掌
故司存蓋前哲於是盡心焉耳矣

一名宦鄉賢當國史名臣列傳各以時代分編體既崇

贛州府志

卷

凡例

二七

重文筆亦繁文儒武畧以下不復分編倣南北史之
循吏儒林諸傳不復列宋齊魏隋例也就諸傳中各
有世次閱者自能辨之惟雜傳歸餘蜂起蝟集不能
悉次若新唐書孝友傳序臚列姓名俾附不朽於青
編而已

按張志凡例十八條前二條述志事源流中四條
體例與今志多有異同存十二條以見舊志因革
之宜

贛州府志凡例

一府志自康熙五十三年壬辰江西巡撫郎公廷樞檄委興國知縣張尚瑗秉筆纂修發凡起例大約沿明謝公詔舊志爲胎本重加搜羅訂正分志地志人志政志事志言五款不出孟子土地人民政事一語然地與天相參政因地制宜言政言地言天凡皆以爲人也三者五者相爲表裏有必須互見而不可割分者乾隆二十五年新志稿本業經變通其例今參酌二志定爲天文地理山川建置學校賦役職官選舉封爵軍政名宦人物列女寺觀藝文雜誌十六門爲總目以每門各小目次第分見共以四十四卷爲定

贛州府志

卷

凡例

六

卷首以敘文凡例目錄繪圖冠之

古人讀書左圖右史史著事跡圖繪形相可互參以得其梗概比於親歷其境志本史體卷首多先立圖如天文分野地理山川疆域形勝城池廟學廨宇考院書院皆地方生聚教養關係自當酌量繪畫今列分星一圖府九邑疆域全圖府城垣街巷各一圖府境章貢源流一圖道鎮府署各一圖府學考院書院各一圖九廳邑境各一圖共二十圖所繪各圖并立圖說著其所以圖之之故主於簡明質實

一府境舊轄十二縣始自明萬歷四年至

國朝乾隆十九年始升寧都爲直隸州以瑞金石城二

縣改轄瀕而上之自晉改陽都爲寧都雖間有改析專轄然千餘年來多隸府境今割分直隸州纔二十五年前次三縣事迹張志詳具志中辦新志稿本時相距僅閱六年遽棄置三縣不錄實有未安今擬應詳者詳可畧者畧如地理山川析隸沿革建置秩官選舉人物等傳俱照張志附載其他門不必附見者節之科甲則續至乾隆十九年止凡新稿所削者逐門核明補載

一張志以天文通省所同置分野一條不載其說具見凡例然贛郡地居嶺北九廳邑周遭七八百里牛斗之墟何遽無當於分野即通志亦頗議之新稿照謝

贛州府志

卷

凡例

二九

志增此一門極是今酌採稍切贛境者分別益損先天文而後地理新稿叙沿革於天文之前未免倒置又沿革亦必先攷而後表張志不可易也其攷表紀年時有參差不符又未書明干支凡闕朝代年分干支者俱查添詳悉志中他條皆仿此例至機祥原與天人相應可附分星氣數之後關隘與形勝正屬地理扼要風土所成物產所殖皆因乎地氣所宜亦可以類附見

一山川亦地理也中庸以爲助天地生物不測遂與天地分爲四段今於地理中抽出山川特立一門亦竊取此義新稿志山志水分載即以山水爲綱以紀山

水詩文爲目以自從綱俾閱者便於考覈極是推之
建置學校寺觀等門亦一例照辦藝文志中只以無
可附見并有闕郡事者循照時代彙編二卷以歸簡
要至於陂塘水利橋梁津渡古蹟坵墓概不離乎山
川今於山川門各立小目分見但古蹟多有訛傳附
會坵墓間或遺漏名流今逐一分別加按辨正增補
山川祠廟古蹟坵墓五條雖統於山川實另分名目
然徃徃牽連並書易致複沓應分別各從所重詳於
彼則畧於此必通體核明參對乃可更正刪易或有
前人紀載兩歧核諸各志確有証據另以按語聲明
其附錄詩文如係前賢名篇自應全錄不可一字更

易即時賢詩文佳者亦照此例其他雖闕紀實而文
不盡雅馴只可節採亦仿史例明著其畧有節刪而
無點竄寺觀仙釋另立一門亦多與山川古跡相交
涉俱仿照前例核對或有必需互見者又當別論
一墟市鄉鎮街巷坊表等類各縣志地理建置門中可
以分載詳之是也至於府志體裁較縣志宜書其重
大者此等皆當從削張志備詳新稿仍之其實卽爲
破體今鄉鎮則分註各廳邑疆域圖中府街巷存考
一篇附見府城垣後餘槩從刪又如秩官表中之縣
佐雜職選舉表中之援例貢監典吏飲賓等類亦應
詳詳府畧不必沿舊志登載如通志不載州縣職官

貢生選舉一例惟府首領除府志外則無可入自應編敘援例中如已通籍出身之貢監仕至七品以上行伍中仕至守備以上另編仕選武選添立小目列於選舉之後

一張志於建置門立亭臺一目發其凡於古蹟志中以為他志言古蹟者仍從地輿起見若在贛則為鬱孤八境需巖羅田之屬此山川建置之所職於古蹟無與其說非也即以所舉鬱孤臺論之臺基本賀蘭山亦曰文筆山其隆阜鬱然孤起就嶺為臺故名鬱孤則臺因乎山至唐李勉刺州時登臺北望慨然有心懸魏闕之思後人復以望闕名臺則臺因乎人此非

贛州府志

卷

凡例

三

古蹟而何乃僅以翰墨鐫題尊彝什襲前賢雪泥鴻爪之所遺者當之可乎由此類推凡亭臺樓閣孰非古人雪泥鴻爪所留乎今歸併古蹟一門為允又如典故軼說張志岐而二之其實皆志古人遺事統以雜志可也更不必分立名目

一學校同一建置而 聖宮祀典隆重不得例諸他祠廟也自應特立一門就地紀實詳其廟制崇祀大綱並及崇聖名宦鄉賢諸祠附 聖宮而立者以類相從而以書院培植人才之地終焉至於 聖人歷代封號先賢先儒崇祀及頒行廟中祭禮樂器之類天下學校皆同不必過詳書院中凡有膳田租担學校

中凡有學田店房公基逐一查載以資稽核今新
稿以名宦鄉賢等祠混入他祠廟中又以寺觀彙入
建置祠廟之後皆不得體故抽出寺觀另爲一門所
有記序詩文有闕寺觀者仍以目從綱附見

一賦役志田賦志戶口志差徭府舊志自明以前無攷
則源流本末不備又不能鑿空起例應取晉以後諸
史及文獻通考江西通志廣爲搜討凡有關郡治者
即屬典據其次詳參各縣志及他藝文論田賦之作
並收附載但府志特書其大要他款項有縣志當詳
府可從畧者損益在我無取繁冗若漕運簽丁屯田
清釐鹽政權關始末攸關國計民生驛遞以通使節

贛州府志

卷

凡例

三

蠲恤以昭 國恩今皆彙括分款具附於篇新舊二
志此門僅詳今而半畧古未爲盡善今逐一分別鈎
稽期於信而有徵

一秩官選舉封爵三表張志皆用監行新稿仿照史例
畫立橫表體裁更大其秩官府縣分表亦從張志但
至儒學各表府縣牽混選舉貢生門亦然又各表全
未編年殊爲失體自是草創未定之稿今分清眉目
代經年緯歸於畫一寧都三縣職官選舉應分別查
補另表附後主從劃然封爵表并參攷通志及各縣
志核正訛譌封贈陞任前失攷者多併訂古增
附見封爵之後惟此二門中尚有年分攷者即按年

分表之無確鑿年分者則按朝代表之勢難拘定格不妨橫豎參用

一贛城自康熙四年設立大鎮軍政規制宏遠前此上南安下吉安皆歸統轄近復歸併袁臨一協則上下五郡兵衛以贛爲中權實嶺北一大扼要所有營制營員營署營器營裝營兵具關邊防重務今逐一查攷核實紀載其鎮營秩官即表於軍政之內自漢以來武事至晉後漸見史冊唐宋元明益加詳焉岳忠武李忠定王文成吳堯山江仲文劉柱國諸鉅公皆於贛城定難著勲宋末文信國起義勤王元末常開平定贛納款國朝勲臣平嶺北而定閩粵明末諸

贛州府志

卷

凡例

三三

臣守死立節著在國史其他寇變頻仍郡邑志傳聞異詞新志稿叅攷通志張志編年紀事大要已具今加討論持擇考訂頗詳以備殷鑒

一名宦列傳宦於贛郡有功德於民無論已祀未祀苟政蹟可紀人已物故者或由士民臚列事實呈縣核詳送局印切實爲之立傳人物則係郡治土著之人必蓋棺論定始可入志張志名宦先統轄次府次縣次武蹟分欸立傳新稿仍之是也其人物分列名目尚有未確如鄉賢係崇祀瞽宗名目其實既屬人物皆屬鄉賢不必又立一門文儒即照史例改曰儒林則道學理學統之矣次日文苑其人積學能文史家

皆爲立傳又如仕績忠義孝友隱逸各從其所重以立名其餘善善從長如史家一行獨行傳之類又可統以行誼括之張志別立雜傳雜之云者其人雖小有才事多駁雜史家因其有關政體考証不沒其實故立雜傳張志所載多善行義舉安得以雜名之又史志紀事當直書其名非作記叙雜文可用某公某君某先生稱謂張志凡例已及仍多查改未細今逐一更正

一寓賢方伎志家多爲立傳一以示名流過化一以見小道可觀然寓賢或暫留或久黜並有實行足志即或先宦他邦後經放流其人則賢而非其罪未始非

寓賢也至於雖係遷謫仍授有官職或先官郡境後即卜居宦地者則究係職官如有事實可紀仍須歸入名宦傳中不得謂之寓賢矣方伎無論本地異方但於府境著名便可錄其所長又史例仙釋皆稱方伎今既以仙釋合於寺觀另志毋庸拘泥史例列女分別貞孝節烈另爲一門按朝代縣分編次有事實可表特詳其傳女婦庸行多同無甚特異者只槩括數語已足

一人物列傳自唐以來張志搜羅完備如其人已見史冊立有本傳者志中應全錄史文以史文久有公論也或因史文未備他傳尚有事蹟即於史傳後加明

一按摘錄附見惟名宦寓賢宦蹟遊踪本無定在只可就地表彰若於郡境政事無涉勢不能備載全文雖史傳所具摘取切實之處而加詳焉可也又有始起群雄竊據一方後迫僞命改投正統者其事蹟關係郡政如唐末盧光稠譚全播之類正史原有本傳一併全登另附諸傳之後

贛州府志纂修姓氏

主修

原任贛州府知府 朱辰

原任贛州府知府 竇忻

現任贛州府知府 方承保

協修

原任贛縣知縣陞吳城同知 衛謀

提調

現任贛縣知縣 劉塏

纂修

原任湖北東湖縣知縣分宜進士 林有席

贛州府志

卷

三六

分修

南昌府新建縣舉人 杜夔

府學教授新建進士 劉謙

府學訓導龍泉舉人 劉欽謨

贛州府志目錄

卷一

序文 凡例 圖 天文志

星野

星異

氣候

禮樂

卷二

地理志

沿革攷

沿革表

形勝

關隘

疆域

風土

物產

卷三

山川志

山

卷四

山川志

山

卷五

山川志

水

贛州府志

卷

目錄

三七

卷六

山川志

水

卷七

山川志

陂塘

卷八

山川志

橋梁

卷九

山川志

古蹟

卷十

山川志

墳墓

卷十一

定置志 城池

卷十二

建置志 官廨

卷十三

建置志 壇壝 廟祀

卷十四

建置志 廟祀

卷十五

學校志 府學 贛縣至興國

卷十六

學校志 會昌至定南 書院附

贛州府志

卷

目錄

三八

卷十七

賦役志 戶口 田糧 科則 襍費 起運 經費

卷十八

賦役志 倉儲 養廉 恩恤 驛遞 軍屯 漕運 關樞 鹽課 鐵廠

卷十九

秩官志 統轄表 府秩官表 府教職表

卷二十

秩官志 縣秩官表

卷二十一

秩官志 縣教職表 寧節三縣秩官

卷二十二

封爵志

封爵表 戚晚附 封廢表

卷二十三

選舉志

薦辟 進士 鄉舉 武科甲 仕選 武選

卷二十四

選舉志

貢生 寧都三縣選舉

卷二十五

軍政志

軍制 武秩

卷二十六

軍政志

武事 武勳附

卷二十七

名宦志

統轄

贛州府志

卷

目錄

三九

卷二十八

名宦志

府名宦

卷二十九

名宦志

縣名宦

卷三十

人物志

仕蹟

卷三十一

人物志

儒林 文苑

心義 孝友

人物志 行誼 耆年

卷三十四

人物志 隱逸 戎畧 寓賢 方伎

卷三十五

列女志 節婦 烈婦 賢婦

卷三十六

列女志 寧都三縣附

卷三十七

寺觀志 觀寺塔附

卷三十八

寺觀志 仙釋附

贛州府志

卷

目錄

四十

卷三十九

藝文志 詩

卷四十

藝文志 詩

卷四十一

藝文志 奏疏

卷四十二

藝文志 條議 記

卷四十三

藝文志 序書論說跋雜文

卷四十四

雜志

贛州府志

卷

目錄

四一

府境水源圖

潯州府志

卷

府境水源圖

三

東界寧都州瑞金縣黃安巖三百九十里
 東南界軍都州瑞
 金縣銅山四百七十五里

北界吉寧府安萬縣分



分縣安萬府安吉界北

東界寧都州瑞金縣黃安巖三百九十里

東界寧都州瑞金縣黃安巖三百九十里

東南界軍都州瑞
金縣銅山四百七十五里

南界廣東東莞縣

東南界軍都州瑞
金縣銅山四百七十五里



章水出聶都山合十二水由南安以至於贛貢水出新樂山合二十六水由瑞金會昌雩都以至於贛章水則僅至郡而已細流奔會灘石礫碣繪之玉版開卷了然山之真水之長千里滌澗可不勞探討矣

府境疆圖

贛州府志

卷

府境疆域圖

五





贛州府志


卷

府境疆域圖

六

環贛皆山蜿蜒屈曲而負水盤繞于其中舊隸縣十
 二今隸廳九山深水駛險阻極矣考其形勢寰
 于东南縮於西北郡城居其衝提挈而接循之百餘
 年來田疇倚錯安靜無驚巍然巨鎮屏東南何其
 不歎

里十五百一界縣源翁府州韶東廣



蕭州府志

卷

府城全圖

七

府城


圖城

贛城踞西江之上游左貢江而右章水前崆峒而後儲
 山為東南一大壘城廣而堅三山五嶺羅布于其中遠
 方之人托業而是聚焉治固非易易也然宋時趙清獻
 公嘗守是郡至今歌頌不衰清獻之風立頑起懦前事
 不忘後事之師也君子居是邦幸毋碌碌焉可矣

贛州府志

卷

府城全圖




府城圖

贛州府志

卷

府城街市圖

九




昔宋劉彞守贛時凡城中街衢委巷皆為經理而又慮
 兩江之驟漲也復為福壽二溝導合城之水以隄于江
 今二溝遺跡已不可考矣其市廛寬直雖不盡如往時
 而周流通達遺意猶有存焉者烟火萬家椽垣櫛比亦
 極一時之盛矣特為詳繪俾來者得有所源益以知劉
 公之績為不可泯云

贛州府志

卷

府城街市圖

十



廟廡


圖


贛州府志

卷

府文廟圖

十一





贛州府志

卷

府文廟圖

自唐以來天下郡各立學贛州之學舊在瓦市街紫極
 觀宋祥符中詔改觀為祥符宮而學遂廢及後創于澄
 清坊徙于豐樂寺改于景德寺三百餘年亦多故矣明
 嘉靖中都御史陸穩始仍紫極觀舊址而特建焉迄於
 今屢經修葺制度宏敞几筵清肅瞻俎豆而生景仰良
 金美王煥然日章非

聖天子棫樸作人之化而能若是哉


督學試院
圖


贛州府志

卷

督學試院

十三






贛州府志

卷

督學試院

贛州上接南安下連吉郡煙火萬家山川聳拔故士之
 能文章者前代不乏然合九屬而校之於郡非基地宏
 敞不足以資延攬康熙庚午府治遷於道署始以舊府
 治為考院即今地也其地寬爽而幽靜歲科兩試濟濟
 多士蔚然振興得人之慶有自來矣




贛州府志

卷

吉南贛寧道署

十五

贛州府志



贛州府志

卷

吉南贛寧道署

十六

贛州地當衝要山林憑恃者往往而有前代設立分巡
 嶺北道以治之仍多不靖于是設南贛巡撫便宜行事
 始建此署

國朝郊藪收寧裁巡撫而改嶺北道為贛南道以道署為
 府署而道署即遷于巡撫舊署轄吉南贛三府王兩橋
 關務及寧都改直隸州復隸焉惠民通商責綦重矣明
 董天錫記云廉慎公勤始克有濟調濟撫綏之術胥予
 斯言概之矣

總署


鎮圖


贛州府志

卷

總鎮署圖

十七






贛州府志

卷

總鎮署圖

總鎮署始於

國朝蓋前代掌兵職屬軍門贛城僅設叅將軍門裁而贛
 當四達之衝則重鎮為不可少仍叅將署而廣之列戟
 十重將士林立提挈六翬風雲淨而和氣生林藪安泰
 氣象萬千亦久安長治之一端也



贛州府志

卷

府官廨圖

二十

贛州府署舊在鬱孤臺後即今試院也康熙庚午知府
任公遷于舊分巡道署百餘年來教養接綏提綱挈領
胥在于是玄欲靜其紛必先以其要而紛者皆靜處南
之在今日風日恬美人民和樂詎非良二千石之力歟


濂溪書院圖


贛州府志

卷

濂溪書院圖

二十一





贛州府志

卷

濂溪書院圖

濂溪書院舊在貢水東明知府何琬改建于鬱孤臺下
 後王陽明先生復仍舊址立學舍及崇正末知縣陳履
 忠始遷于光孝寺左中有廉泉澄靜以泓西有夜話亭
 是玉局之所遊覽也其地幽秀其氣軒敞聚一郡之英
 彥而樂成之以朝以夕聖而言者起而行其有藉于
 聖之力者豈淺鮮哉


美陂縣境圖

贛州府志

卷

美陂縣境圖

二五



東界瑞金縣路口逕五十里

東界瑞金縣路口逕五十里

東南界會昌縣

里十七保干又

北界贛縣

東界都州

南界信豐縣

贛州府志

卷


西界贛縣石鼓山五十里 粵都縣境圖

西南界信豐縣龍官山 一百七十里

自贛邑而東一百五十里則粵都也與贛邑俱置自
 漢雩水出焉而西流合于貢山形峭秀水勢滌洄
 風俗恬美人材輩出其毗連則贛與信豐興國寧
 都會昌雖孔衝道而舟車以至者不少矣地因人
 勝良非虛語也



信豐縣境圖



里五十四

西西北界

康縣嶠嶺五十里

西界南安府大庾縣楊梅嶺一百五十里

西南界廣東饒州府信豐縣二百里

贛州府志

卷

信豐縣境圖

六



信豐自唐以前隸南康縣唐永淳時始分南康東南地
 為南安縣天寶初始改今名其地山高水駛溪嶂雄沓
 與贛及安遠龍南南安之南康大庾廣東之始興保昌
 毗連前代率多巢峒迄乎
 國朝百有餘年草萊日闢四野無驚又得賢有司而教膏
 之謳吟遍於僻壤可謂名稱其實者矣

興國縣境圖

贛州府志

卷

興國縣境圖

二九

赤板州七十里
縣豐永界北東

東界寧都州黃陂一百六十里

東南界雩都縣

青塘一百三十里

北界吉安府

南界贛縣



贛郡各屬均在東南而興國獨居東北蓋舊贛邑地也
 宋太平興國始置四面皆山湫澱二水出焉與吉安之
 永豐廬陵泰和萬安本郡之贛縣雩都及寧都皆接壤
 俗樸而民淳舊志云此邑為二程過化之地其流風至
 俗猶有存者詎不信歟

贛州府志

卷

興國縣境圖

三十



五里五里

承鄉

水西堤

珠蘭舖

懷英塘

西門塘

富尾

教場

司督塘

羅田

山舍

一百二十五里

白鵝

洛二塘

會昌峽

長田舖

獅子巖

驍村

鷓鴣舖

上下照

庄埠

巖山西

桐嶺

斷龍

清溪山

西北界安遠縣長沙營一百里

水流零都
合貢江
長七十里

西界安遠縣長沙營一百里

西南界安遠縣清溪山一百二十里

贛州府志

卷

會昌縣境圖

三三

會昌舊隸雩都宋太平興國析雩都東南地立縣尋升為軍復為縣元大德時改為州至明又縣之今仍焉其地崇山四阻東與閩接南達粵疆誠贛郡之衝要也扼羊角而靜風雲迴灘流而興教化百餘年來已成文物之邦夫何險阻之足云乎

安遠縣

境圖

贛州府志

卷

安遠縣境圖

三三

清溪一百八十里

東界長寧縣新寧路四十里

東南界廣東嘉應州

北界會昌縣

北界會昌縣



陳四一十二里

南界定南縣

龍南縣新境圖

贛州府志

卷

龍南縣境圖

三五

東界定南廳關西程嶺五十里


東南界定南廳汝龍

嶺三十里

曹縣豐信北東

北界信豐縣

南界廣東連平州



里十六地子佛

由信豐而南曰龍南與粵省地相接也舊為信豐之
 百丈鎮又改稱虔南鎮後梁易鎮為陽南唐因
 場立知地狹山多僻處一隅故其民富者強久而貧
 者不能驟富在郡之極南也贛之阨塞形勢家謂
 此邑獨得地利云

贛州府志

卷

龍南縣境圖

二六



單鼻山三十五里

西界廣東始興縣峽頭嶺一百三十里

西南界廣東翁源縣冬桃嶺一百五十里

定南廳境圖

贛州府志

卷

定南廳境圖

三九

東界廣東龍川縣山一百三十里

東南界長寧縣

龍泉保一百四十里
東北界安遠縣

桐廬一百六十里

北界信豐縣



南界廣和縣

